



सानसेयारि "बड'सा" खीरालाइयाव
अनाज्यादि जिउजो लोब्बा थानाय रायथाय, अन्थाय,
सल', सल'बाथा आरु दावबायारि थायनि, पार्क
बाइदिनि आयाव लिउनाय लिउबिबां दैथाय हर/
सानसेयारि "बड'सा" खीरालाइया सेबखानावै
फोसावगोब।
बड'सायाव लिउहरनायनि हुदा खालाम,
"बड'सा" खी नोथो, जो बयबो आंगो खालाम।
सानसेयारि बड'सा मावखुनि
माइबं नोगर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Saturday ★ 6 January, 2024 Kokrajhar, BTC, Assam ★ Vol.- 33, Issue No. 281 ★ R.N.I.Regd.No.40994/91, Assam Govt. Regd.No.IPRD.40/2006/3, ★Rs.8/-

गागि खौरंगिरि यदु काकतिनि थैनायाव गिबि मन्थिआ दुखु फोरमायदों

दिसपुर, 5 जानुवारी: गागि खौरंगिरि, रन्सायगिरि यदु काकतिनि थैनायाव गोथो दुखु मोनाय फोरमायदों गिबि मन्थि आ हिमन्त बिश्व शर्माआ। गांसे दुखु रादाबनि गेजेरजों गिबि मन्थिआ बुझेदि, यदु काकतिआ गोलाव सम खौरंगि सिबिथायजों नांथाबनाने राइज्योनि रादाव फोसावनाय बिथिडव गोबां बिहोमा होलादों। सासे रंग'थि गोनां राजखान्थियारि बिजिगिरि महरै सिनायथिजनाय यदु काकतिआ जिउ नाइँ नो बाउसोमनाने आरो बिबान गोनां (□ 5 विलाइआव)

मन्थि जय शंकरआ नेपालआव दावबायहैना मुंदांखा पशुपतिनाथ मन्दिर दावबायहैदों

गोदान दिल्ली, 5 जानुवारी: गुबुन हादतयारि मन्थि एस जयशंकरआ शुक बारआव नेपालनि मुंदांखा पशुपतिनाथ मन्दिरआव भगवान शिबखों दर्शन खालामदों आरो पुजा खालामो। मन्थिया 2024 माइथायाव गुबुन हादतआव गिबि खेब दावबायहैदों। बिथाडा गावनि दावबायनायनि नैथि सानआव गावनि हाबाफारिखों जागायनायनि सिगां फुंनि समाव पशुपतिनाथ मन्दिरआव दर्शन खालामहैदों। काठमान्डुनि सान्जा बाहोयारि बाहोआव गोथार बागमती दैमा सेराव थानाय पशुपतिनाथआ (□ 5 विलाइआव)

बिटिसिनि सा 95 फिक्सड-पे मावफारियाफोरनो बिटिसि सरकारी साखिखौ रिगुलार खालामनायनि थिसन्थाय लाइ गथायदों

कक्राझार, 5 जानुवारी: प्रमद बर' दैदेनाय बिटिसि खुंथाया जेबो मावनो हायाखे होनाने बेरेखा दोलोया अजद दैखंबोनायखौ न्खाय फोरमान होनाने दिने बिटिसि खुंथाया 4 बोसोर खुंथाय समखों मोजाइँ जागायजेदों। मख'नो गोनांदि, प्रमद बर'आ गावनि 3 बोसोर खुंथाय आबुं जानायव 4 थि आरो 5 थि बोसोराव खामानि मावनो खोथा होदोंमोन। बे बादियैनो दानसे सिंगा सा 531 अंगनबादि मावफारिया-हेफाजाबगिरिफोरनो थिसन्थाय होनायनि उनाव दिने सा 95 फिक्सड-पे मावफारियाफोरनि



साखिखौ रेगुलार खालामनायनि थिसन्थाय लाइ गथायनाने होयो। मख'नो गोनांदि बिटिसिएलएनि सावराय न'ब्लाडाव मोनसे हाबाफारिनि गेजेरजों बिटिसिनि गाहाइ मावफुं सोद्रोमा प्रमद बर'आ थिसन्थाय लाइखौ रानाने होयो। बिटिसिनि मोन 21 बिफानाव थिसन्थाय लाइ मोनो हानाय सा 95 बिजाथिफोरनि गेजेराव सा 5 थामथि थाखोनि आरो आद्रा थानाय सा 90 बिजाथिफोर ब्रैथि थाखोनि होनाने मिथिनो मोनाय जादों। थिसन्थाय लाइ रानायनि उनाव बिटिसिनि गाहाइ मावफुं (□ 5 विलाइआव)

कक्राझाराव सावराय हान्जा एलएलएफबिनि बादायाव दुंहाव थासारि

कक्राझार पुलिसआ बादा नागारनो बिथोन फोसावदों

कक्राझार, 5 जानुवारी: कक्राझार सहरनि गौरां दैसा सेरनि साखिथि चान्दमारियाव थानाय सावराय हान्जा एलएलएफबिनि डेजिगनेटेड बादायाव दिने मोनाबिलि समाव कक्राझार पुलिसनि मोनसे गेदेर हान्जाया हरखावे नायसनाय हाबाफारि लानाने केडरफोरखौ बादा नागारनो बिथोन होनाया दावराव-दावसि सोमजिहोदों। बादा नागारनो गोसो जायै एनएलएफबि केडरफोरखौ आसाम पुलिसजों बाध्ना दान्थेलायनायखौ नुनो मोनाय जायो। आथिखालाव मोनैबो हान्जानि गेजेराव बाध्ना दान्थेलायनाया हरसिम सोलिबाय थादों। मिबिथिनो मोनाय बायदिने कक्राझार चान्दमारियाव थानाय सावरायलायनाय हान्जा एलएलएफबिनि बादायाव हरखावे कक्राझारनि लेडाइ पुलिस बिबानगिरि (दाय हाबा दालाइ) (□ 5 विलाइआव)

बिटिआरनि गाहाइ प्रमद बर'आ रामफलबिलयाव सिनेमा हलजों माखासे बिथाखिनि अन्थाइ खाफ्फा गायसन्तों



कक्राझार, 5 जानुवारी: माहारिनो जानाय-लौनाय, बायदिसिना रोखोमनि जेना-जैसिफोरव सोप्रावबोनाय जिउखौ थाजिमे लाखिनो साफ्रोमबो सुबुं

गोजोन लाखिनायनि गोनांथि जायो। नाथाय गोबाव सान नाइँ सोमावसारनाय आरो बायदिसिना जाथायजों गिनाने थानाय बड'लेन्डनि सुबुंफोरा बावगारना थानो गोनां जादोंमोन सुबुं माहारिनो थाना थानो जानाय-लौनायनि अनगायै गोबां गोनांथि जानाय जर'खायै गोसो-मेलेमारि गोजोनाय बायदि थासारिफोरखों नांगो। बे आयदाखौ गोनांथि होनाने प्रमद बर' दैदेनाय बिटिसि खुंथाया बिटिसिनि दर 5 (□ 5 विलाइआव)

बाथौफुरि गेलेग्रा फोथाराव जिल्ला थाखोनि खेल महारन 2023 बादायलायनायखौ बेखेवजेनबाय

तामुलपुर, 5 जानुवारी: आसाम सरकारा गेलेगिरिफोरखों गेलेमु बिथिडव थुलुंगाखों होनाय आरो थाखोमानाय रंग'थिखों सोराडव लाबोनानै गेलेगिरिफोरनो खाबु होनायनि थाखिजों राइजो नाइँनो खेल महारन हाबाफारिखों खुंनाय जादों। गामि ओन्सोलनि गेलेगिरिखों गावनि रंग'थिखों दिन्थिनो खाबु होनाय बे खेल महारन बादायलायनाया गिबियावनो गामि थाखोनि गेलेगिरिफोरखों लानाने भिसिदिदि थाखोआव, महकुमा, बिधान सभा बियाव थाखोयाव खुंनाय जायो। बेनि उनाव देरहानो हानाय हान्जाखौ जिला थाखोआव गेलेहोनाय जायो। भिसिदिदि, महकुमा आरो (□ 5 विलाइआव)



हरिसिडा बियाबाव इउपिपिएल राजखान्थि हान्जानि जइनिं हाबाफारि थाम बोसोर आबुं जानाय लोगो लोगो प्रमद बर'नि खामानि मावनाया आसाम राइज्यो नाइँनो गोसारबाय: सन्जय स्वरगियारी



उदालगुरि, 5 जानुवारी: उदालगुरि जिल्लानि 36 नं हरिसिगा बियाबनि सिडव थानाय हरिसिगा भिसिडिसिनि लांगोनायाव हरिसिगा

एमसिएलए सन्जय सर्गियारीनि नुजाथिनायजों लोगोसे उदालगुरि जिल्ला आफादिनि आफादिगिरि रबिन्द्र बसुमतारि, गाहाइ नेहाथारि रथेन्द्र दैमारि, मिरु हान्जानि दैदेनगिरि भ्रमन बाग्लारी आरो हान्जानि गोबां मावथिफोरनि बाहोमो लानाय बे हाबाफारियाव गुबुन गुबुन राजखान्थि हान्जानि गोबां मावथि आरो ओन्सोलनि (□ 5 विलाइआव)

मिरु सरकारनि हिट एन्ड रान आइनि हेंथायै साखा बन्द'आ गोहोम गोगलैदों दिनैनिफ्राय दावबायारि मथर-गारिफोरनि हान्था-मेलाया सोलिफिनसिगोन

उदालगुरि, 5 जानुवारी: मिरु सरकार हिट एन्ड राननि सायाव गोदान आइनि दानायनि हेंथायै बिटिआरनि उदालगुरि जिल्लायवबो दिने साखा बन्द'नि गोहोम गोगलैयो। दिने फुं समनिफ्राय इ-रिक्साजों लोगोसे गासैबो रोखोमनि मथर-गारिखौ बन्द' लाखिनाने सालायगिरिफोर गोखोइँ हेंथा सोमावसारो। सालायगिरिफोर खौरंगिरिफोरनि सिगाडाव बुंदेंदि, जो गारि सालायनाने मोनसे नख'र खांगिसिनो दडा करना बोथोरनि समाव जोडो जोबोद खस्थनि गेजेरजों सम

बारहोनो गोनां जादोंमोन। आथिखालाव जौनि सायाव जाय आइनखौ जाबसिन्ताने होदों बेयो जायखि-जाया जाहोनावनो जानो हाथाव नडा। बिसेर आरोबाव बुंदेंदि, सोखा सालायगिरिआ मिबिथिनाने जाब्रबथाय सोमजिहोया। माब्लाबा जाब्रबथाया जोन्थोरारि गात्रि जानायनि थाखायबो सोमजियो। नाथाय माखासे सालायगिरिफोर गोखोंथारै गारि सालायो बिसेरखौसो जुरिमाना लानां गौ। सालायगिरिफोर खुदिरखाना फोरमायदोंदि, दान मोनसेयाव 10 रोजा रं आखाइयाव जमा थायै

सालायगिरिफोर 10 लाख रं जुरिमाना होनांगोआ निखावरि सालायगिरिफोरनि थाखाय जाथावना नडा। गुबुन फारसे 10 बोसोर जोबथेसालियाव थानाडोब्ला नख'रनि सुबुंफोरा मोनजायैयाव थैनांगोन होना खौरंगिरिफोरनि सिगाडाव खुदिरखानाय फोरमायो। गुवाहाटी: दिने शुकुबारनिफ्राय फेगौ 48 घन्टा नि थाखाय मथर श्रमिक इउनिनआ खामानि मावथैनि थांथि आजावना (□ 5 विलाइआव)

जिप साफारिनि समाव देखोगिरि जुबिन गार्गखौ मासे गान्दाया गार्लोबनो नाजादों



भबानिपुर, 5 जानुवारी: वर्ल्ड हेरिटेज साइट मानस माहारियारि पार्कयाव दावबायारि महरै फेनाने सुबुंफोरजों मोजा मोनजानाय देखोगिरि आरो लाइमोन जोलैनि हार्ट श्रव जुबिन गार्गखौ मासे गान्दाया गार्लोबनो नागरनाय (□ 5 विलाइआव)

आनन्द बाजार-गबर्धनाआव टायार सावनाने सोमावसारदों मटर सालायगिरि आफादआ



सालबारि, 5 जानुवारी: दिने राइज्योयाव बन्द जादों हान्थामेला सिबिथाया। गोदान आइनखौ बोखारनांगीनि दाबिजों मटर हान्थामेला आफादिनि सोमावसारनायाव राइज्यो (□ 5 विलाइआव)

बिकेडाब्लिउएसिनि बोन्दोडाव थानाय बर' गामिनि राइजो-राजाफोरजों गामि आरो ओन्सोलनि जेनाफोरखौ सुस्त्रानायनि सायाव सावरायलायदों बर' माहारियारि आफादफोरा खौसेथि गैयैनि थाखाय सरकारा बर'फोरजों गेलेगासिनो दं: मिहिनीश्वर बसुमतारी

सिमने सापरि, 5 जानुवारी: धेमाजि जिल्लानि गेजेर ज'नाइ दखरानि गासै माहारियारि आफादफोर फारियै-गेजेर ज'नाइ दखरा दुलाराय बर' फरायसा आफाद, गेजेर ज'नाइ दखरा खौसेथि बर' सुबुं आफाद, गेजेर ज'नाइ दखरा दुलाराय बर' आइजो अन्साय आफादजों लोगोसे गेजेर ज'नाइ दखरा गुदि



बर' थुनलाइ आफादिनि बान्जायनायाव बगरिगुरि हारिमु न'ब्लाडाव राइजो-राजाफोरनि जेना सुस्त्रानाय एबा राइजो-राजाफोरनि जेनाफोरखौ लानाने बर' कछरी अन्साय हायुडारि गावखुंथायनि गाहाइ मावफुं सोद्रोमा मिहिनिस्वर बसुमतारिआ राइजो-राजाफोरखौ लानाने उदाइँ (□ 5 विलाइआव)

बर' बिजोनि 6 थाखोनि सानखान्थि आरो बिज्ञाननि सोंथि बिलाइखौ इराजि रावयाव सेबखानायखौ गोखों फिनजाथाय होदों



तामुलपुर, 5 जानुवारी: 4 जानुवारीनिफ्राय जागायजेनाय गुनत्सबभाव बर' बिजोनि 6 थाखोनि सानखान्थि आरो बिज्ञान आयदानि सोंथि बिलाइखौ बर' रावनि सोलायै इराजि रावयाव सेबखानायखौ लानाने गोखों फिनजाथाय होदों तामुलपुर (□ 5 विलाइआव)

सा 56 फरायसाफोरखौ हारसिनो फोरोंनानै गुनत्सबआव गाहाइ बिफाव लादों गाहाइ फोरोंगिरि बिथराइ बर'आ

कलाइगाव, 5 जानुवारी: राइज्यो नाइँनो गुनत्सब फोर्बोआ सोलिगासिनो दं। बे बायदिनो उदालगुरि जिल्लानि खैराबारि सोलेंथाइ खोन्दीनि सिडव थानाय गुदि, गेजेर इराजि आरो गोजौ गेजेरारि फरायसालिफोरव थानाय 3 जानुवारीनिफ्राय गुनत्सब फोर्बोआ जागायजेदों। मख'नो (□ 5 विलाइआव)



हावराघाट नगर हिन्जावसा गोजौसिन गेजेरारि फरायसालियाव गुनत्सब हाबाफारि

हावराघाट, 5 जानुवारी: गुनत्सबआ सोलेंथाय बिफाननि हाबिला गोनां बिथांथिफोरनि गेजेराव मोनसे। सोलेंथाय बिफाना 2018 मायथाइनिफ्राय गाहायै सोलेंथायनि गुनखौ जौगाहोनो थाखाय बे अगानखौ लागसिनो दं। गुनत्सबखौ फरायसालिफोरनि सोलेंथायारि, लोगो-सोलेंथाय,



राइजोआरि हेफाजाव बायदिनि नंगुबे बिथिफोरखों नोजोर होनायनि मोनसे बिजो महरै मानिनाय जायो। बे खेबाव बाथि फोर्बो गुनत्सबनि गिबि खोन्दीआव काबि आलं जिल्लायबो आसामनि मोन 12 जिल्लाफोरनि गेजेराव सोसनाजदों। बेखौ नोजोर होनाने (□ 5 विलाइआव)

गोजां बोथोराव छुट्टि फालिनायनि थाखाय मख 'जाथाव माखासे जायगाफोर

गोजां बोथोराव गुबुन गुबुन गोजान जायगायाव दावबायहैनायनि थाखाय साबसिन होन्ना बुंजायो। गुसु आरो सुदेम बोथोराव दावबायनायनि मोन्दांथियानो आलादा जायो। बेफोर जाहोनावनो बांसिन सुबुंफोर गोजां बोथोराव दावबायनायनि थांखि लायो। लोगोसेनो औरैबायदि जायगाखौं सायख 'ना' लायो, जेराव गोबां दावबायारिफोर थाडे आरो जैरेबो मिबथिसारजानाय जायो। फारसेथिं दावबायारिफोरनि बांद्राय होंदो-दोंगो जानाय जायगायाव थाडेब्लाबो माखासे जेंनाजों मोगा-मोगि जानानै दावबायनायनि रंजानाया फेमाल जायो। बेनिखायनो दिनै माखासे दावबायगा जायगाफोरनि बागै मिबथिहोदों सिगांदों, जेराव दावबायनायनि आबुं मुलाम्फाखौं लानो हागोन, गोसो बायदिथै रंजा गोजोनै छुट्टि फालिनो हागोन। बेफोर जायगायानो जाबाय-

1. नायगा फल्स: गोजां बोथोरनि बन्द 'आव गुबुन हादत आव दावबायहैनायनि फलेनिं खालामदोब्ला आमेरिकानि नायगा फल्सआ मख 'जाथाव। बेयो कानाडानि साखाथियाव थानाय जोबोद समायना दै बाजुम। बेयो मोनसे मिथिंगायारि सोमजिखानाय जोबोद समाइना दै बाजुम, जाय गोबाव बोसोरनिफ्रायनो टुरिज्म एबा दावबायनाय फोथाराव जौसिन मासियाव जायगा आवग्रिना थानो हादों।



2. बिग बेन: गुबुन हादत आव दावबायनो मोजां मोनगाफोर बांसिनै लन्डन आरो पेरिस आव दावबायनायखौं साबसिन मोनो। नोंथाडबो लन्डन आव थाडेब्ला बेयावनि बिन बेन आरो लन्डन ब्रिडस बे मोननै जायगायाव थाडेब्ला दावबायनाया आबुं होन्ना बुंजानाय नडा। मानोना बेयावनि समायनाया गुबुनफोरनिफ्राय आलादा। बेयावनि स्न' पल आरो निड इयार फालिथाइया साफ्रोमनिबो गोसोखौं बोनो हायो आरो रंजाखां होनो हायो। बेखौं नुयोब्ला नोंथानि गोसो आव जिउनि जोबथा समसिम रंजाथाइनि मोन्दांथिया गोजोनै थागोन।



3. गेटक: दावबायारिफोरनि थाखाय मख 'जाथावसिन सहरफोरनि गेजेराव गेटकआबो मोनसे, जाय सिक्कीमनि राजथावनि। बोसोरनि जेब्लायबो समावनो सोमखोर मिथिंगानि समायना नुथाइ, निजोम गोजौ हाजो आव थानाय बिलोफोर, समायना रमायना मठ मन्दिर, बायदि रोखोमनि जिब-जुनात बायदिफोर बौद्ध धोरमारिफोरखौं धोरमारि दावबायनो गोसो बोनायनि अनगायै गुबुन सुबुंफोरखौं सोमखोर मिथिंगा बिखायाव दावबायनायै रंजाखां होनो आरो बायदि एडभेन्सर मोजां मोनगाफोरखौं गोसो बोनो हायो।



4. राण अफ कच्छ: गुफुर जौखलाबनाय बालाबारिया गावनि जर 'खा फोबौनि थाखाय मिबथिजानाय गुजरतनि सहर राण अफ कच्छआ मुलुगनाडैनो मुंदांखा। बालाबारियाव सापारि खालामनाय, दोरोडारि जानाय-लौनाय आरो गावनि हिन्दिक्राफ्ट एबा आखाय-आरिमुनि थाखाय मुलुगनाडैनो मिबथिसारजानाय। हट एयार बेलुन राइट खालामनायैबो बेयाव दावबायहैनाय साफ्रोमबो दावबायारिफोर कच्छनि समायना नुथाइखौं अखां सानिफ्राय आबुडै नायनो हायो।



5. औल: उत्तरखान्डनि सामलियाव थानाय औलिया भारतनि स्किइनि राजथावनि होन्ना बुंजायो। बेयो भारत हादतनि दावबायगा



जायगाफोरनि गेजेराव मख 'जाथाव। बेयावनि नन्डा देबि हाजो, माना हाजो आरो निलकान्ठ हाजोनि समायना थिखिनिफोर नुनायाव जोबोद समायना आरो साफ्रोमबो दावबायारिफोरनि गोसोखौं गोजोनलायहोनो हायो।

रंजालि गथ 'फोरनि औरा

सोमखे

मिथिंगानि बिखायाव
गोमजोरै गसंथेनाय
बै हिमालय
हाजोआ रोजा
सुबुनि गोरबो
गोसोखौं सुदेम
बार बारनानै
बोदोर जानाय
जिउ सोलेरखौं
सुगलाय होदों
बेनोदि नाथाय
फुनि समावल'
दाउमा दाउसाफोरखौं
गोथां गाबजों
मिनिहोना मोनाबिलि
समाव मानोबा
जाहोफिनदों सोमखे।

सविराम बर'
राबां, बागसा

आंनि दिखार

सिमाडव गेले फैयो रजे नों
अरायबो मिनि बाला,
नाथाय मोगथाडव आनग्रायो
गोजाननिफ्रायनो नायखंखेना।
आजोला बे गुरै बिखाखौं
थोरफो थोरफो खामरिल होलाडे,
हास्थायसुला बे जावलिया गोसोखौं
थेर-बेथेर गाफेलाडे।
अबोला र 'जे-
सहाय ख 'हायै दिखारव;
सोरगिदिं खोमसिखौल' नुयो
सोरखि लांनो मुलुग संसाराव।
गोसो जायो लोगो-लोगो
गावखौंनो फोजोबझाना सोब गोमोरलांनो
नाथाय! मिथिस्ताबै हरखव
मानिबा हमथानायाव थाबथाफिनो।

श्री मैखोम दैमरि
गामि- खासपुर (हालां बाजार)
ककराझार बि टि सि (आसाम)।

बिबार जिउ

हाथायसालि बे बिहुं संसाराव
आंनि गोसो मेगनजों सानबोला,
आरो मोजाडै सायख 'ना बिजिरबोला
बिबारा गावनि एमाव मिथिंगायाव,
हायना महरनि मोदोमफु बिबार,
सोरजिनाय रैसुमै सोमो गोनां
सुबुनि सल' आयदा बिदे गोनां,
बेरे बासानि बेरे बिदे जिउ गुवार।
नाथाय बै फैगौ बिलिफां बुब्लिआव
आंनि जिउ-नाव बैटा थायो जेब्लाबो
गोमो गोथां बिबार मुं गोनाडबो
लासै सेरे हाखौं गोबागोन बोथोराव।
आय 'बिबार जिउ नों मोजोमसेल'।
साया-माया सान दै थरथिल'।

मुस्रि बिनय ब्रह्म
गामि- धावल्लिगुरि
जिला- ककराझार बि टि सि (आसाम)।

दोंब्रै लिमारिक

क
जों लागोनि गब्ल फुनाय
थाइथेला बेनि फुला खान्दा
जायो लोडे लामा सामायाव
लोगोफोरजों गबाव सबाव
नआव फैयोब्ला गोदाव सोराव।
ख
जों लागोनि खान्दा
जौ सिगारेत डेनद्रायत
लोडै सोबै जालांबाय रानथें थें
मुडव मोनबाय गामियाव सामा गोरान।
ग
बमब्रा गुरिनि गुरहं
बिमा बिफाया थावनाव दोनदोंमोन
मोजां जानो थाखाय
सोलोंदों नाथाय मालदां फारानि
दावखा बाबु।

गजल खन्थाइ

जिर जिर जिंगा सानसिनि लैथोयाव
गब 'ना थानायाव
गब 'नो हायाखे
सोदोबनि लैथोयाव
नायथायनाय खन्थाइनि लैथोयाव सानसिनि
गोरबोसे जायाखे गोरबोआव
हुरा हुरा मानो बिदिथाय
जिउ गोरबोनि थिलिआव

-रैदोम बर',
माजदिया, बगुलामारि,
बाक्सा

बोरै बावनो निजिरा

सानदोंमोन आं नों निजिराखौंनो
अरायबो गोसो गोबोंजों मोजां मोन्नो,
नाथाय नौनि नोमा-नोम्फाया
आंखौं फोथाय खेबस' खालामबाय।
आंनि गोसो गोबोंजों मोजां मोननायखौं
नौनि आदा-आबआ
आंखौं गोदाव सोराव खालामबाय,
आरो आंखौं नौनिफ्राय गोजानाव दोनबाय।
नौंखौं गोजानाव दोनबा मालाइ मा जानो निजिरा
थेवबो नौनि महरा आंनि गोसोआव
आइना नाइनाइ बायदि नुजाबाय थायो।
नों आंखौं जेसेबां बावनो नाजागोन
आंनि मोजां मोन्नाय बारासिनसो जागोन,
मानोना बे मुलुगाव मोजां मोन्नायनिखुइ
देरसिन जेबो गैया।
फागुनिनि जावलिया बार मोदायाबो हानाय नडा
आंनि मोजां मोन्नायखौं बुखार हरनो,
आसार दाननि सार अन्थाय बार-हुंखाआबो
हानाय नडा आंनि मोजां मोन्नायनि
गोसोखौं गिसिखाहोनो।
बिदिब्ला नौनि नोमा-नोमफाआखि,
हागोन आंनि नौनि मोजां मोन्नायखौं
बावगार होनो हानाय नडा निजिरा
लैथौ बायदि गुवार आंनि मोजां मोन्नाया,
दैमुनि दै बायदि गुसु आंनि अन्नाया
बिदिब्ला नौंखौं आं बोरै बावनो निजिरा।

मुस्रि थनिजा ब्रह्म
गामि- धावल्लिगुरि
जिला- ककराझार बड 'लेण्ड।

थांखि

आंनि बे थांखियालाइ
जाफुगोना जाफुआ
हे आफा आनान गसाइ
हे आफा बिफा गुरु।
आंनि थांखिखौं जाफुहोदो
इयुनआव आं थुरुन गगै
डं मनमहन सिं मोन बायदि
जानानै समाजनि मोजां
खामानि मावलांनो।
हे आफा बिफा गुरु आंनि
थांखिखौं जाफुहोदों।
आंनि थांखिखौं फैमाल
दाखालाम आफा बिफा गुरु।
इयुनआव आंनि जोलै
हान्जा आरो बयनिबो
सुबुनि थाखाय मोनसे
आब्रुथि गोनां खामानि
मावलांनो
हे आफा बिफा गुरु
आंनि थांखि होसोनायखौं
जाफुहोदो-

श्री मिथिसार नाजारी
गामि- सेसाफारा (हालां बाजार)।

घ
जों लागोनि सिमां
नायोब्ला नमब्र ब्र
महराव लादों जाहार
खाननि उयु फुनथि
खोमायाव इन्थि गान्नाय
बर'आव सानो उसुबिदा।

श्री असिन्त बसुमतारी
फरायसालि- बिधापिट स्कूल
जिला- ककराझार बि टि सि (आसाम)।

We can prevent 60-70% of diseases prevalent in our society just by focusing on Preventive Healthcare: Dr Nomal Chandra Borah
6,500 GNRC Swasthyamitras are working relentlessly to improve the healthcare scenario in Assam

Guwahati, January 5, 2024: GNRC Dispur, the first super-specialty hospital in North East India, celebrated 38th anniversary of inception and its unwavering commitment to community care at the campus today. To mark this significant milestone, Dr. Nomal Chandra Borah, the Founder of Affordable Health Mission & GNRC Group of Hospitals, elucidated the diverse endeavours and initiatives spearheaded by the organization to ensure that high-quality healthcare is within reach for every stratum of society. Additionally, the event was graced by the presence of the esteemed Chief Guest, Mr. Manoj Kumar Goswami, a Sahitya Akademy Award winner, prolific writer, and seasoned journalist, Guest of Honour Mr Indrajit Mozumder, Joint Secretary, Assam Legislative Assembly and popular singer Ms Paporri Gogoi who were welcomed by Dr. Borah.

Addressing the gathering, Dr. Nomal Chandra Borah expressed, "GNRC serves as a testament to the conviction that healthcare should embrace both compassion and affordability. Guided by a vision to elevate the healthcare standards in Northeast India, GNRC stands as proof that medical services can and should embody quality, empathy and cost-effectiveness.

On this auspicious occasion, I wish to extend my heartfelt

gratitude to our employees and the media for their invaluable contributions that have propelled GNRC forward in its mission of attaining 'Health for All, Smiles for All.' Our commitment extends to serving everyone in society, regardless of their social or economic standing. We have meticulously designed this organization with the aim of delivering excellence across all clinical specialties. I consider myself exceptionally fortunate to collaborate with a team of selfless, dedicated, and genuinely professional individuals who align with my vision of making healthcare accessible and affordable for everyone."

Dr. Borah emphasized GNRC's ongoing initiatives to enhance the preventive healthcare landscape in Assam, stating, "I firmly believe that by prioritizing preventive healthcare, we can avert 60-70% of prevalent diseases in our society. Early diagnosis and treatment not only lead to better outcomes but also alleviate suffering for patients and their families, along with reducing the economic burden on both families and the healthcare system. To achieve this, fostering healthcare awareness becomes paramount, and GNRC is actively working towards this through its Affordable Health Mission. The Swasthyamitras, the foot soldiers

of this mission, are tirelessly engaged in creating healthcare awareness across all segments of society. Together, we can strive towards a society free from diseases and contribute to building a healthier India."

Dr Subrat Dev Bhagabati, Chief Operating Officer of GNRC Dispur pointed out the challenges of a healthcare institution in the present times during his welcome speech and enunciated various steps taken by GNRC to overcome these challenges.

Chief Guest, Mr Manoj Kumar Goswami delivered an insightful lecture on the occasion and said, "I am grateful to the management of GNRC for inviting me to such a remarkable programme. The way Swasthyamitras are helping GNRC's mission to achieve quality healthcare is truly amazing. I am sure GNRC will very soon be able to help most of the people in Northeast India and adjacent regions."

On the occasion, Dr Nipanka Goswami was felicitated and awarded with Academic Excellence and Maximum Surgical Treatment Award while Dr Inamul Haque was conferred with Best Patient Outcome Award.

Employees who have excelled in their respective fields in the last one year and winners of various in-house competitions were also awarded on the occasion.

सावथुन एनिमेलआ डंकि आरो सालारखौ रां आरजिनायनि बिथिडाव फेजेनो हादों



रणबिर कापुर आरो बनि देअलनि सावथुन एनिमेलनि सिनेमाहलफोरव रिलिज जानाया से दाननफ्राय बांसिन सम जाबाय। बे सावथुनआ बक्स अफिसआव लान्थ्रिये दोहो सोमजिखाहोदों। मुलुगनाडे 900 कौटि रंनि

सावथुननि कालेक्शनआ आथिखालाव समजों लोगोसे गोबां रंखौ आरजिनो हाबाय, नाथाय बेजों लोगोसे बे सावथुनआ डबल डिजिटआवबो रां आरजिदों। बुधबारखालि रणबिरनि सावथुन 'एनिमेल'नि बक्स अफिस कालेक्शनआ बाडइ जादोंब्ला गुबुन फारसेथिं सावथुननि कालेक्शनआव 35 थि सान दावखोनायखौ नुनो मोन्दों। सावथुन डंकि आरो सालारआ बे समाव डमेस्टिक बक्स अफिसआव आबुडै गावनि जर'खा जायगा आवयिदों, नाथाय बेनि गेजेरावने जायखिजाया रोखोमै एनिमेलआबो थियेटरफोराव गावनि नायगिरिफोरखौ नागिरना

लादों। सन्दिप रेडडी भांगानि सुबुंफोरनि गेजेराव से दाननि उनावबो जावलिजा जानाया बाडखै। बुधबारखालि हिन्दी रवआव 5 लाख रंखौ आरजिनाय बे सावथुनआ बृहस्पतिबारखालि बक्स अफिसआव मोजां रां आरजिदों। रिपर्टनि बायदिब्ला एनिमेलआ हिन्दी रवआव 35 थि सानआव गासै 44 लाख रंनि खाथियाव आरजिदों, जेराव हिन्दी रवआव सावथुननि कालेक्शनआ 1 लाख आरो तेलुगुआव 3 लाख रंसिमखौ आरजिदों। एनिमेलआ हिन्दी रवआव दासिमाव 497.58 कौटि रंखौ आरजिदों, जेराव तामिल रवआव रणबिर कापुरनि कालेक्शनआ 4.9 कौटि रंनि खाथियाव जादों। बेनि अनगाथै तेलुगु रवआव बे सावथुनआ गासै 35 सानफोरनि गेजेराव 44.68 कौटि रंखौ आरजिदों। नख'रनि बक्स अफिसआव एनिमेलनि नेट कालेक्शनआ दासिमाव 54 कौटि रंनि खाथियाव सौहेंदों।

बक्स अफिसआव सालारनि रां आरजिनाया लान्थ्रिये दावख्लायदों

प्रभास आरो श्रुति हासननि सावथुन सालारआ सिनेमाहलफोरव 2023 नि 22 डिसेम्बरखालि रिलिज जादोंमोन। प्रशान्त निलनि बिथोन होनायाव बानायनाय बे एक्शन ट्रिलार सावथुनआ शाहरुख खान आरो तापसी पानुनि 'डंकि'नि रिलिजनि से सान उनावबो सिनेमाहलफोरव रिलिज जादोंमोन। सालारआ गोबां दोहो गोनाडे बक्स अफिसआव जागायदों आरो हिन्दीनिफ्राय लानानै तेलुगु रवआव सावथुनआ नख'रनि बक्स अफिसआव गोबां रवआव सावथुनआ नख'रनि बक्स अफिसआव गोबां रां आरजिनो जागायदों। 13 सानसिमाव प्रभास आरो पृथ्विराज सुकुमारनि सावथुनआ गोबां मोजां रां आरजिदों। नाथाय आथिखालाव सावथुननि कालेक्शनखौ लासै लासै दावख्लायनाय नुनो मोन्दों। प्रशान्त निननि बिथोन होनायाव बानायनाय सावथुन सालारआ बयनिखुडू बांसिन तेलुगु रवआव रां आरजिदोंमोन, नाथाय 24 थि सान एबा बृहस्पतिबारखालि बे रवआव सावथुनआ जर'खा रां आरजिनो हायाखै। सालारआ डमेस्टिक बक्स अफिसआव 12 सानआव गासै 5.25 कौटि रंनि खाथियाव आरजिदोंमोन, नाथाय बेनि नैथि सानआवने



सावथुननि रां आरजिनायाव दावख्लायदों। रिपर्टनि बायदिब्ला सालारआ बृहस्पतिबारखालि 14 थि सानआव हिन्दी रवआव सिंगल डेआव 3.01 कौटि रंखौ कालेक्शन खालामदों। 14 थि सानआव तेलुगु रवआव सावथुननि रां आरजिनाया गोबां जिगासिथाव जादों, मानोना सालारआ सिंगल डेआव तेलुगु रवआव सिंगल डेआव 1.31 कौटि रंखौ आरजिनो हादों। बेनि अनगाथै डमेस्टिक बक्स अफिसआव बे सावथुननि रां आरजिनाया 24 लाख रं, मलयालमआव 8 लाख रं आरो कन्डुआव

3 लाख रंखौ आरजिदों। सालारआ 14 सानफोरव नख'रनि बक्स अफिसआव दासिमाव 37.17 कौटि रंनि नेट कालेक्शन खालामदों, जेराव बे सावथुननि ग्रस कालेक्शनआ भारतआव 441.15 कौटि रंसिमनि जादों। प्रभास पृथ्विराज सुकुमार आरो श्रुति हासननि बे सावथुनआ हिन्दी रवआव गासै 133.76 रं, तामिल रवआव 17.94 कौटि रं, तेलुगु रवआव 210.56 कौटि रं, मलयालमआव 10.77 कौटि रं आरो कन्डु रवआव 14 सानफोरव गासै 5.14 कौटि रंखौ आरजिदों।

पप स्टार ब्रिटनि स्पियर्सआ फेन्सफोरखौ गोमोहोदों

आमेरिकानि पप स्टार ब्रिटनि स्पियर्सआ मिउजिक इन्डास्ट्री नागारगोनखौ फोसावनानै फेन्सफोरखौ गोमोहोदों। बेजों लोगोसेनो बियो मोनसे गोदान एल्बामनि बाथा गोसारनायखौबो रोखा खालामदों। ब्रिटनि स्पियर्सआ सशेल मिडिया पस्टआव बै नंखाय बाथा गोसारनायफोरखौ रोखा खालामदों, जेराव बिखौ मोनसे गोदान एल्बामआव खामानि मावदों होना बुंनाय जादोंमोन। पप स्टारआ रोखा खालामदोंदि, गाव मिउजिक इन्डास्ट्रीआव माब्लाबाबो फे फिन्नाय नड। ब्रिटनि स्पियर्सआ 2000 नि गाहाइ देखोगिरिफोरनि गेजेराव सासे जादों। पप स्टारआ बै रिपर्टफोरनि फिन्नाय होदोंमोन, जाय बुधबारखालि फुंआव पेज सिक्सआव सोराडव फेदोंमोनदि, ब्रिटनि स्पियर्सआ सन्देह गोनां महैर मोनसे रिकर्डनि थाखाय चार्लि एक्स सिपेक्स आरो लिरिगिरि जुलिया माइकल्सखौ टेप खालामदोंमोन. भेराइटिनि रिपर्टआव



बुंनाय जादोंमोनदि, स्पियर्सआ दासिमाव जेबो गोदान देखो रिकर्ड खालामाखै, मानोना प्रजेक्टआ आथिखालाव जागायाखै। ब्रिटनि स्पियर्सआ मोनसे इन्स्टाग्राम पस्टनि केषणआव लिरदों, गावखौ मोनसे गोदान एल्बाम बानायने आवगायदों होना बुंनाय जादों, नाथाय गाव मिउजिक इन्डास्ट्रीआव माब्लाबाबो थाफिनला। बियो बुंवावदों, जेब्ला गाव लियो, अब्ला इन्टरटेनमेन्टनि थाखाय लियो एबा गुबुन सुबुंफोरनि थाखाय लियो। जाय सुबुंफोरा गावनि बिजाबखौ फरायदों बिसोरनि थाखाय माखासे औरैबायदि बाथाफोर दड, जायफोरा गावनि सोमोन्दै मोनथिया। गाव थानाय 2 बोसोराव गुबुन सुबुंफोरनि थाखाय 20 निफ्राय बांसिन देखोफोरखौ लिरदों। आथिखालाव गावनि बे पस्टनि उनाव बियो गावनि इन्स्टा एकाउन्टखौ डिजिटि खालामबाय। जुलिया माइकल्स आरो ब्रिटनि स्पियर्सआ सिस्माडव लोगोसेयै खामानि मावदोंमोन। माइकल्सनि स्पियर्सनि स्लाम्बर पार्टीनि लिरिगिरि महैर मान होनाय जायो, जायखौ बनि जोबथा स्टुडिय' एल्बाम ग्लरि (2016) आव नुनो मोन्दोंमोन।

'मेरि पपिन्स' नि फावखुंग्रि ग्लाइनिस जन्सआ रुंसारि जाबाय



ब्रिटनि फावखुंग्रि ग्लाइनिस जन्सआ 'मेरि पपिन्स' आव भिनिफ्रेड बेक्सनि फाव खालामनायनि थाखाय बयनिखुडू बांसिन मोनथिजायोमोन, जाय बृहस्पतिबारखालि 100 बोसोर बोसोआव रुंसारि जायो। बेखौ भेरायटिनि गेजेरजों रिपर्ट खालामनाय जादों। जन्सनि सामलायगिरि मिच क्लेमआ बे बाथ्रानि सायाव फोन्मायदोंदि, जन्सआ लस एन्जल्सआव गंसे हेफाजाव होप्रा न'आव रुंसारि जायो। बेनि अनगाथै बनि फोसावदि खालामग्राया बुंदोंदि, बियो मिथिंगायारि रोखोमै रुंसारि जादों, जायखौ एबिसि निउजआ रिपर्ट खालामदोंमोन। जन्सआ गावनि सावथुन करियारखौ 1938 आव जागायदोंमोन, जेब्ला बियो उन्दैमोन। नाथाय 10 बोसोरनि उनाव जेब्ला बियो 'मिरान्डा' याव सासे जलफरनि फाव खालामदोंमोन अब्लासिमाव बियो जाफुंसारनायखौ मोनाखोमोन। बियो 20 बोसोरनिफ्राय बांसिन समसिमाव इंग्लेण्डआव सासे फावखुंग्रि जादोंमोन। भेरायटिनि बायदिब्ला, 60 निफ्राय बांसिन सावथुनफोरव फाव खालामनाय जन्सआ हवाइल इउ वेयर स्लिपिं आरो दा सनडाउनस'नि थाखाय अस्कार बाथाखौबो मोनो हादों।

लकसभा बिसायख 'थियाव बाहागो लागोननि नंखाय बाथा गोसारनायखौ लाना मनज बाजपेयी रोखा खालामदों



मनज बाजपेयीआ आथिखालाव गावनि सावथुनफोरजों लोगोसे गावनि राजखान्थियायारि दावबायनायखौ लानानैबो गोबां खौराडव थादों। बावैसो समाव 2024 आव हिन्दी सावथुननि फावगिरि मनज बाजपेयीआ राजखान्थियाव बाहागो लासिगोन होना खौरां फेदोंमोन। बेबायदिनो खौरांफोरा सशेल मिडिया आरो गुबुन मिडिया प्लेटफर्मफोरवबो भाइरल जादोंमोन। जेराव मनज बाजपेयीआ बिहारनिफ्राय 2024 आव लकसभा बिसायख 'थियाव बादायनो हागो होना बुंदोंमोन। आथिखालाव बिसायख 'थि गेलेगोननि बाथा गोसारनायनि गेजेराव मनज

बाजपेयीआ गावनि फारसेनिफ्राय आबुडै बाथा फोरमायदों। थानाय माखासे समनिफ्राय सशेल मिडिया आरो माखासे प्लेटफर्मफोरव मनज बाजपेयीआ बिहारनि सोनाब चम्पारम जिल्लानिफ्राय लकसभा बिसायख 'थियाव बाहागो लानो हागो होना नंखाय बाथा गोसारदोंमोन। आथिखालाव 'सत्या'नि फावखुंगुरआ गावने बे गोसारनाय बाथ्रानि सायाव रोखा खालामदों। बियो गावनि एक्स एकाउन्टआव मोनसे मिडिया पर्टेलनि फिन्नायाव लिरदों, जाय बाथाया गोसारदों बे बाथाखौ बबेनिफ्राय मोनखो? ना सोरबा सिमां नुदोंमोन नामा? मख'नोगोनादि, बे समाव फावखुंगुर

मनज बाजपेयीआ डा फेमिलि मेननि उनाव नैथि अटिटि रिलिज 'किलार सुप'खौ लानानै खौराडव थादों। बेनि डार्क कमेडि ट्रिलार वेब सिरिजनि ट्रिलारआ 2 सान सिमांनो सोराडव फेदों, जायखौ नुनानै नायगिरिफोरा बांसिने थुलुंगाखदों। 'किलार सुप'आव कंकना शेन शर्माजों लोगोसे गिबि खेब मनज बाजपेयीखौ अटिटिआव स्क्रिन शेयार खालामनाय नुनो मोनगोन। बे वेब सिरिजआ 2024 नि 11 जानेवारीयाव अटिटि प्लेटफर्म नेटफ्लिक्सआव रिलिज जागोन। बे वेब सिरिजआव गिबि खेब मनजखौ डबल फाव खालामनाय नुनो मोनगोन।

राजकुमार हिरानीआ भिक्रान्त मेसिजों अटिटिआव डेब्यु खालामसिगोन

राजकुमार हिरानीनि मुड बलिउडनि जाफुंसारनो हानाय आरो मुंदांखा बिथोनगिरिफोरनि गेजेराव थाफादेरो। बियो दासिमाव गोबां गिदिर स्टारफोरजों लोगोसे हिट सावथुनफोरखौ बानायदों। बावैसो समाव बिथोनगिरिया शाहरुख खानजों सावथुन 'डंकि'आव खामानि मावदों आरो बे समाव बियो गावनि सावथुननि जाफुंसारनि रंजानायखौ लादों। आथिखालाव राजकुमार हिरानीया गावनि अटिटि डेब्युखौ लानानै बाथा सावरायदों। बेजों लोगोसेनो बियो बेवहाय सोर गाहाय फाव खालामगोन बेखौनो फोरमायदों। माखासे सम सिमां राजकुमार हिरानीया '12 वि फेल' नि फावखुंगुर भिक्रान्त मेसिजों लोगोसे गावनि अटिटि डेब्यु खालाम होना खौरां होदोंमोन। आथिखालाव पिटिआइनि बायदिब्ला डंकिनि



बिथोनगिरिया बे खौरांखौ रोखा खालामदों। बियो बुंदोंदि, गाव मोनसे अटिटि खालामसिगोन,



जायनि श्रुटिखौ गावसोर थारैनो बे दानआव जागायगोन। बिथाड बेयाव बाहागोयारि जादों,

नाथाय गाव बेनि बिथोनगिरि जानाय नड। बेयो हट्टर (डिन्नी प्लास हट्टर) नि थाखाय मोनसे स्व' आरो भिक्रान्त मेसिया बेवहाय मोनसे फाव खालामगोन। बेनि सिमां राजकुमार हिरानीया बुंदों, बे स्व'आ मोनसे आलादा। बेयो माखासे ओरेबायदि, जायखौ गाव आवगायहोनानै गोजेन्दों। भिक्रान्त मेसिनि वार्कफ्रन्टनि बाथा बुडोब्ला बावैसो समाव भिक्रान्तखौ भिधु भिनद चपानि सावथुन '12 वि फेल' आव नुनो मोन्दों। बियो बे सावथुनआव गावनि दिन्थिफुनारनि थाखाय गोबां बाखायजानो हादों। बे सावथुनआ आइपिएस मनज कुमार शर्मानि मोगथाडरि जिउनि सल 'नि सोमोन्दै आरो 12 वि फेलआ सासे औरैबायदि सुबुनि सल' जाय निखावनिफ्राय जुजिनानै आइपिएस बिबानगिरि जायो।

